



✓ ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԾՆՈՐՀԱԿԱԼԱԿԱՆ ԳԻՐԸ ՆՈՐԻՆ ՍՐԲՈՒԹՅՈՒՆ
ՊԱՎՂՈՍ Զ ՊԱՊԻՆ՝ ԻՐ ԾՆՆԴՅԱՆ 60-ԱՄՅԱԿԻ ԱՌԹԻՎ

ՆՈՐԻՆ ՍՐԲՈՒԹՅՈՒՆ ՊԱՎՂՈՍ Զ ՍՐԲԱԶԱՆ ՊԱՊԻՆ

ՎԱՏԻԿԱՆ

Զերդ Սրբություն,

Մեծագույն ուրախությամբ ողջունեցինք Ձեր ներկայացուցիչների՝ հոգե-
շնորհ հայր Ժերոմ Համմերի և հայր Դյուպրեի ժամանումը Մայր Աթոռ ս. Էջ-
միածին, որոնք մասնակցեցին սուրբ մեռուկի օրհնության հանդիսություննե-
րին՝ արժանանալով մեր միաբանության և համայն մեր հավատացյալ ժողո-
վրդի բացառիկ համակրանքին և հարգանքին:

Մեր խորագգաց գոհունակությունն ենք հայտնում նաև այն սքանչելի
նամակի համար, որ բարեհաճել էիք ուղարկել Մեզ՝ Ձեր նվիրակների հետ
միասին: Ձեր գիրը ճշմարտապես հուզեց Մեզ և հոգեպես մխիթարեց ու զո-
րացրեց: Երանի՜ թե Տերը արժանի կացուցանի Մեզ՝ ավելին իրագործելու մեր
ժողովրդի հոտի մեջ՝ Իր փառքի համար, Իր խոսքի թագավորության համար:

Մեզ համար հաճելի եղավ նաև կարդալ այն տողերը, որով Ձեր եղբայ-
րական հրավերն էք ուղղում Մեզ՝ այցելելու Ձերդ Սրբությանը ի Հոռմ: Վըս-
տահեցնում ենք Ձեզ, որ Մեր սրտի համար քաղցր է Ձեր հրավերը, և հույսով
ենք, որ Աստված մի բարի օր պիտի օգնի Մեզ՝ ճանապարհվելու դեպի ձեր
սուրբ Աթոռը:

Թող միշտ անասան ու փառքի մեջ մնա ձեր մեծ և սուրբ եկեղեցին, և
առավել աճեն սերն ու եղբայրությունը բոլոր եկեղեցիների և բոլոր մարդ-
կանց միջև, որոնք միանում են Քրիստոսով:

Եղբայրական հարգալից սիրով՝

Վ Ա Զ Գ Ե Ն Ա

ԾԱՅՐԱԳՈՒԹՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

